

Samstarfssamningur um svæðisbundið farsældarráð á Austurlandi

1. gr.

Tilgangur og markmið

Sveitarfélögin Múlaþing, Fjarðabyggð, Vopnafjarðarhreppur og Fljótisdalshreppur [hér eftir „sveitarfélögin“] mynda sameiginlegt svæðisbundið farsældarráð skv. 5. gr. laga um samþættingu þjónustu í þágu farsældar barna nr. 86/2021 og á grundvelli 92. gr. sveitarstjórnarlaga nr. 38/2011.

Sveitarfélögin vinna sameiginlega áætlun um svæðisbundna forgangsröðun aðgerða um farsæld barna til fjögurra ára sem tekur mið af þingsályktun um stefnu og farsæld barna og framkvæmdaáætlun ríkisins og niðurstöðum farsældarpings.

Sveitarfélögin vinna sameiginlega skýrslu um framvindu áætlana um svæðisbundna forgangsröðun aðgerða á tveggja ára fresti.

2. gr.

Skipun í svæðisbundið farsældarráð

Svæðisbundið farsældarráð er vettvangur fyrir svæðisbundið samráð um farsæld barna. Þar eiga sæti fulltrúar svæðisbundinna þjónustuveitenda á vegum ríkis og sveitarfélaga og skal ráðið hafa samráð við fulltrúa notenda á viðkomandi svæði.

Eftirtalin skulu eiga aðild að farsældarráði á Austurlandi:

Stofnun/sveitafélag	Fjöldi fulltrúa
Múlaþing	2
Vopnafjörður	1
Fjarðabyggð	2
Fljótisdalshreppur	1
HSA	1
ME	1
VA	1
Svæðisumdæmi Íþróttahéraða	1
Lögreglan á Austurlandi	1
Ungmennaráð	3
Foreldraráð	3
Samtals	17

3. gr.

Verkefnisstjóri svæðisbundins farsældarráðs

Verkefnisstjóri svæðisbundins farsældarráðs á Austurlandi starfar á grundvelli samnings milli mennta- og barnamálaráðuneytisins og Samtaka Sveitafélaga á Austurlandi SSA og gildir til 31.12.2026.

Verkefnisstjóri svæðisbundins farsældarráðs er starfsmaður ráðsins og skal hafa náið samráð við starfsfólk og kjörna fulltrúa sveitarfélaganna.

Hlutverk verkefnisstjóra ráðsins er m.a. að:

- halda utan um störf svæðisbundins farsældarráðs, boða fundi þess, rita fundargerðir og senda sveitarstjórnnum allra sveitarfélaga og stofnanna til **kynningar**,
- halda utan um gerð áætlunar um svæðisbundna forgangsröðun aðgerða um farsæld barna til fjögurra ára, senda sveitarstjórnnum allra sveitarfélaga og stofnunum til **umsagnar og síðan staðfestingar** og svo Gæða- og eftirlitsstofnun velferðarmála,
- halda utan um gerð skýrslu um framvindu áætlana um svæðisbundna forgangsröðun aðgerða á tveggja ára fresti, senda sveitarstjórnnum allra sveitarfélaga til **kynningar** og svo Gæða- og eftirlitsstofnun velferðarmála,
- sinna öðrum þeim verkefnum sem svæðisbundið farsældarráð felur viðkomandi og fella að tilgangi og markmiði samnings þessa.

4. gr.

Fjárhagsleg atriði

Sveitarstjórnir og stofnanir samþykkja aðgerðaáætlun ráðsins sem felur í sér samþykki ákveðinnar forgangsröðunar þegar kemur að ráðstöfun fjármagns. Hvert sveitarfélag og hver stofnun metur hversu miklum fjármunum hægt er að ráðstafa í hverja aðgerð.

Ef aðgerð felur í sér sérstakan sameiginlegan kostnað skal kostnaðaráætlun fylgja þar sem kostnaði er skipt niður hlutfallslega eftir íbúafjölda sveitarfélaga og á milli stofnanna og skal slík áætlun fylgja aðgerðaáætlun til samþykktar hjá sveitarstjórnnum og stjórna stofnanna.

Fundir svæðisbundins farsældarráðs eru haldnir til skiptis í sveitarfélögum.

Ekki er greitt sérstaklega fyrir fundarsetu annarra en ungmennaráða en fundir fara fram innan hefðbundins vinnutíma.

5. gr.

Breytingar, endurskoðun og uppsögn samnings

Þegar samningur mennta- og barnamálaráðuneytisins og SSA rennur út skal samningur þessi endurskoðaður með tilliti til verkefna verkefnisstjóra svæðisbundins farsældarráðs.

Ef sveitarfélag eða annar aðili vill hætta samstarfi samkvæmt samningi þessum er það heimilt að undangenginni umræðu í ráðinu um ástæður þess. Skal það þá tilkynnt öllum hlutaðeigandi sveitarstjórnnum og stofnunum.

Samningur þessi skal endurskoðaður á fjögurra ára fresti af farsældarráði. Skal formaður ráðsins hafa forgöngu þar um. Ef breytingartillögur koma fram skulu þær samþykktar af meirihluta ráðsins og af öllum hlutaðeigandi sveitarstjórnnum.

6. gr.

Gildistími

Samningur þessi tekur gildi við staðfestingu allra sveitarstjórna.

Þannig samþykkt í sveitarstjórn:

F.h. Múlabings,

Dagmar Ýr Stefánsdóttir, sveitastjóri

F.h. Fjarðabyggðar,

Jóna Árný Þórðardóttir, bæjarstjóri

F.h. Vopnafjarðarhrepps,

Valdimar O. Hermannsson sveitastjóri,

F.h. Fljótshrepps,

Helgi Gíslason sveitastjóri

Undirritunarsíða

Undirritun á samningi sveitafélagana
Dagmar Ýr Stefánsdóttir

Undirritun á samningi sveitafélagana
Valdimar O Hermannsson

Undirritun á samningi sveitafélagana
Jóna Árný Þórðardóttir

Undirritun á samningi sveitafélagana
Helgi Gíslason